



Inatsisartunut Ilaasortaq Karl Lyberth  
/MAANI

5. januar 2011  
Sagsnr. 2010-043539  
Dok.nr. 536716

**Kalaallit Nunaanni aalisarnerni assigiinngitsuni MSC-mik ilisarnaateqarneq pillugu Karl Lyberthip, Siumut, § 37 malillugu apeqqutaanut akissut, 2010-273**

Postboks 269  
3900 Nuuk  
Tlf. (+299) 34 50 00  
Fax (+299) 32 47 04  
E-mail: apnn@nanoq.gl  
www.nanoq.gl

Inatsisartut suleriaasianni § 37 malillugu Naalakkersuisunut imatut apeqquteqarputit.

**Apeqqutit:**

1. Nunat sorliit saarullinnik MSC-mik ilisarnaaserneqarsimanngitsunik tiguserusunnatik nalunaarnikuuppat?
2. Nunat sorliit qalerallinnik MSC-mik ilisarnaaserneqarsimanngitsunik tiguserusunnatik nalunaarnikuuppat?
3. Nunat sorliit qeeqqanik MSC-mik ilisarnaaserneqarsimanngitsunik tiguserusunnatik nalunaarnikuuppat?
4. Nunat sorliit aalisakkanik allanik nunatsinni nioqqutissiarineqartartunik MSC-mik ilisarnaaserneqarsimanngitsunik tiguserusunnatik nalunaarnikuuppat?
5. Aalisakkat qulaani pineqartut MSC-mik naqissuserneqassappata nunatsinni piumasagaatit suut naammassineqareersimassappat?
6. Aalisakkat qulaani pineqartut MSC-mik naqissuserneqassappata nunatsinni aalisartunut piumasagaatit suut naammassineqareersimassappat?
7. Aalisakkat qulaani pineqartut MSC-mik naqissuserneqassappata nunatsinni aalisariaatsit suut atorneqarsinnaajunnaassanersut ilisimaneqareerpa?
8. Aalisakkat qulaani pineqartut MSC-mik naqissuserneqassappata biologit sineriassuatsinni imartarujussuatsinni aalisagaqassutsimut ilisimasaat maannakkut naammattutut Naalakkersuisunit isigineqarpat?
9. Aalisakkat qulaani pineqartut MSC-mik naqissuserneqassappata biologit aalisagartassiissutissatut siunnersuutaat saneqqunneqarsinnaajunnaassappat?
10. Aalisakkat qulaani pineqartut MSC-mik naqissuserneqarnissaat qaqugu pisinnaasutut Naalakkersuisunit naatsorsuutigineqarpa?
11. Sinerissap qanittuani raajarniat MSC-mik naqissusiinissamut avataasiortutulli piareersimatigippat?
12. MSC pillugu paasisitsiniaanissamik Naalakkersuisut pilersaaruteqarpat?

**Akissutit:**

*Apeqqudit 1-imiit 4-mut pillugit:*

Aalisakkanik MSC-mik ilisarnaatilikkanik pisinissaq nunat ataasiakkaat aalajangerneq ajorpaat. Nunamut eqqussuisut ataasiakkaat tamanna aalajangertarpaat. Tamanna pillugu apeqqummut normu 264-imut akissutinni takuneqarsinnaavoq, taassumalu assiliner ilanngullugu nassiuppara.

*Apeqqud 5 pillugu:*

Tassani apeqqummut normu 247-mut 17. november ukioq mannameersumut akissutiga innersuussutigissavara, taannalu ilanngullugu nassiuppara.

*Apeqqud 6 pillugu:*

MSC-mik akuersissummik pissarsinermi akuersissuteqarnermik tunngaviit pingaernerit pingasut malillugit aalisarneq aqunneqartussaavoq. Tassaapput:

- Aalisakkat qaleruallillu piujuartitsinissaq tunngavigalugu aalisarneqassasut.
- Aalisarnerup kinguneranik avatangiisit ajoquserneqarnissaat pinngitsoortinneqassaaq.
- Aalisarnermik aqutsineq pitsaasoq paasinartorlu.

*Apeqqud 7 pillugu:*

Qalorsuit naterinnarsiutit atorneqartillugit mianersortoqassaaq takussutissaqarpat immap naqqa malissarisunik koraleqartoq immallu pupeqartoq. Aammattaaq pjarisuukkanut atatillugu assigiinngitsunik malittarisassaqqarpoq malinneqartussanik.

*Apeqqud 8 pillugu:*

MSC-mik ilisarnaasersuinissaq pissarsiarineqarsinnaavoq Kalaallit Nunaanni aalisagaqassuseq pillugu biologit maannakkut ilisimasaat tunngavigalugit, aamma naak ilisimasat tamakku tamakkiisuunngikkaluartut.

*Apeqqud 9 pillugu:*

Aalisarnermi MSC-mik ilisarnaasersuineq ukiut marlukkaarlugit nalilersorneqartarpoq. Tassa imaappoq biologit inassuteqaataat malinneqanngippata MSC-mik ilisarnaat annaaqqinneqariaannaavoq.

*Apeqqud 10 pillugu:*

Inuussutissarsiortut naliliipput Kalaallit Nunaata kitaani raajanik MSC-mik ilisarnaat immaqa 2011-imi ukiup affaani siullermi pissarsiarineqarsinnaassasoq. Aalisakkat allat taaneqartut eqqarsaatigalugit ilisarnaasiisinnaaneq maannakkut piffissalernerqarsinnaanngilaq. Kisiannili aqutsinermit pilersaarutinik suliat aallartinneqareerput.

*Apeqqud 11 pillugu:*

Kalaallit Nunaanni sinerissap qanittuani aalisartut eqqarsaatigalugit MSC-mik ilisarnaasiinissaq immaqa ajornarnerulaarsinnaavoq, tassa pisassiissutit ukiup ingerlanerani siusinnerujartuinnartumik aalisarlugit nungunneqartarmata. Tamassuma kinguneraa pisassiissutit qaffanneqaqqullugit annertuumik pi-umasaqartoqartarnera. Aallaqqaammut pisassiissutit biologit inassuteqaataat malillugit aalajangerneqartarput. Pisassiissutit qaffanneqaraangata biologit inassuteqaataat qaangerneqartarput, tamassumalu MSC-mik ilisarnaasiinissaq ajornakusoortilissavaa.

*Apeqquut 12 pillugu:*

Ilisimatitsissutigineqarsinnaavoq Naalakkersuisut 2011-imi siunniukkaat MSC pillugu paasisitsiniaasoqassasoq. Paasisitsiniaaneq taanna Aalisartunut Piniartunullu Siunnersuisoqarfik suleqatigalugu ingerlanneqassaaq.

Inussiarnersumik inuulluaqqusillunga

Ane Hansen